

## AUGLÝSING

### um staðfestingu á breytingum á áður staðfestu deiliskipulagi Kvosarinnar í Reykjavík.

Samkvæmt skipulagslögum nr. 19/21. maí 1964 hefur ráðuneytið hinn 5. júní 1989 staðfest tvo deiliskipulagsupprætti um breytingar á áður staðfestu deiliskipulagi miðbæjar Reykjavíkur (Kvosar).

Breytingarnar eru fólgnar í eftirfarandi:

1. Syðri hluti lóðarinnar nr. 3 við Suðurgötu, lóðin nr. 5 við Suðurgötu og lóðin nr. 8 við Tjarnargötu eru sameinaðar í eina lóð og nýtingarhlutfall á staðgreinireit 1.1410 er hækkað úr 1,9 í 2,1.
2. Í stað ákvæða um landnotkun hæð fyrir hæð sem fram koma á uppdráttum í greinargerð með staðfestu deiliskipulagi Kvosarinnar 22. febrúar 1988 verður landnotkun skilgreind sem miðbæjarsvæði annars vegar og hins vegar sem blönduð landnotkun hafnar/miðbæjarsvæðis í samræmi við aðalskipulag Reykjavíkur 1984 – 2004.

Uppdrættir þessir hafa hlotið þá meðferð sem skipulagslög nr. 19/1964 mæla fyrir um. Borgarstjórn Reykjavíkur hefur samþykkt þá og skipulagstjórn ríkisins afgreitt þá til staðfestingar ráðuneytisins.

*Félagsmálaráðuneytið 5. júní 1989.*

F. h. r.

**Berglind Ásgeirsdóttir.**

*Hólmfríður Snæbjörnsdóttir.*

## GJALDSKRÁ

### fyrir sérstök eftirlits- og þjónustustörf Vinnueftirlits ríkisins.

#### 1. gr.

Eigendur eða umráðamenn eftirlitsskyldra farandvéla, farandvinnuvéla, búvéla, lyftna og vatnshitunarkerfa skulu árlega greiða gjald í ríkissjóð fyrir skráningu og eftirlit með slíkum vélum og tækjum samkvæmt gjaldskrá þessari. Eigendur eða umráðamenn eftirlitsskyldra atvinnufyrirtækja skulu á sama hátt greiða fyrir ýmiss konar aukabjónustu Vinnueftirlits ríkisins.

#### 2. gr.

Fyrir skoðun farandvinnuvéla, lyftna og annarra tækja sem tilgreind eru í viðauka 1 með gjaldskrá þessari skal greiða gjald sem reiknað er þannig að margfaldaður er saman fjöldi gjaldeininga sem tilgreindur er í viðauka 1 og gjald fyrir hverja einingu samkvæmt 2. mgr. þessarar greinar.

Fyrir hverja gjaldeiningu skal greiða kr. 562,00.

Þó frumskoðun fari fram oftast en einu sinni á ári, greiðist skoðunargjald aðeins einu sinni nema framkvæma þurfi aukaeftirlitsskoðun vegna vanrækslu á framkvæmd fyrirskipaðra umbóta, en fyrir slíka skoðun greiðist fullt gjald.

## 3. gr.

Fyrir skoðun vatnshitunarkerfa sbr. reglugerð nr. 302/1978 greiðast kr. 1 776,00 og fyrir neysluvatnshylki kr. 604,00.

## 4. gr.

Fyrir gasmælingu olúgeyma í skipum greiðast kr. 974,00 fyrir fyrsta geymi og síðan kr. 592,00 fyrir hvern geymi þar á eftir. Fyrir gasmælingu vélarrúms eða dælurúms greiðist ekki gjald nema eingöngu sé mælt í því.

Fyrir þrýstiraun katla eða geyma sem eru minni en 2m<sup>3</sup> að rúmmáli eða með minni þrýstingi en 2 kg/cm<sup>2</sup> greiðast kr. 962,00, en fyrir stærri katla kr. 1 227,00.

Fyrir átaksprófanir á talíum, krönum og öðrum lyftibúnaði greiðist eftir lyftigetubúnaðarins sem hér segir:

1. 0 – 2999 kg kr. 1 510,00.
2. 3000 – 10000 kg kr. 2 010,00.
3. yfir 10000 kg kr. 2 972,00.

Sé gasmæling, þrýstiraun eða önnur þjónusta framkvæmd utan reglulegs vinnutíma, samkvæmt ósk eiganda eða umráðamanns fyrirtækis eða skips, skal hann greiða þann kostnað sem af slíku hlýst.

## 5. gr.

Fyrir umfangsmeiri mælingar á hávaða, titringi, mengun í andrúmslofti, lýsingu vinnurýmis eða aðrar hliðstæðar athuganir skal eigandi eða umráðandi fyrirtækis greiða þann kostnað sem af mælingum hlýst samkvæmt samkomulagi við forstjóra Vinnueftirlits ríkisins.

## 6. gr.

Fyrir þátttöku í námskeiðum Vinnueftirlitsins um meðferð og stjórnun vinnuvéla (frumnámskeið), um meðferð og stjórnun byggingakrana og um meðferð sprengiefna skulu þátttakendur greiða gjöld sem forstjóri Vinnueftirlitsins ákveður með hliðsjón af kostnaði við framkvæmd hvers námskeiðsflokks fyrir sig.

Gjald vegna verklegrar prófunar í notkun sprengiefna skal vera kr. 3 471,00.

Gjald fyrir verklega prófun tækjastjóra skal vera:

Fyrir próf á lyftara kr. 925,00. Fyrir próf á aðrar vélar kr. 1 480,00.

Sé samtímis tekið próf á fleiri en eina vél skal prófgjald fyrir hverja vél eftir fyrstu vél vera kr. 925,00.

## 7. gr.

Fyrir skírteini til stjórnunar farandvinnuvéla greiðast kr. 1 356,00.

Fyrir endurútgáfu slíkra skírteina og færslu nýrra réttinda greiðast kr. 678,00.

## 8. gr.

Innheimtumenn ríkissjóðs annast innheimtu gjalda samkvæmt 2. og 3. gr. gjaldskár þessarar. Önnur gjöld innheimtir Vinnueftirlitið og getur það krafist greiðslu áður en þjónusta er látin af hendi.

Gjaldskrá þess sem sett er samkvæmt 2. mgr. 49. gr., 3. mgr. 77. gr., 2. og 4. mgr. 80. gr. laga nr. 46/1980 um aðbúnað, hollustuhætti og öryggi á vinnustöðum staðfestist hér með til þess að öðlast gildi þegar í stað og birtist til eftirbreytni öllum þeim sem hlut eiga að máli. Jafnframt fellur úr gildi gjaldskrá fyrir þjónustustörf Vinnueftirlits ríkisins nr. 496/1987.

*Félagsmálaráðuneytið, 1. júní 1989.*

**Jóhanna Sigurðardóttir.**

*Óskar Hallgrímsson.*

**Viðauki 1.**

Yfirlit yfir gjaldskylda tækjaflokka og gjaldeiningar hvers flokks.

Flokkur	Tækjaheiti	Gjaldeiningar
AB	Byggingakranar	13.2
AH	Hafnarkranar	13.2
AI	Iðnaðarkranar	13.2
BB	Grindarbómukranar á beltum	15.2
BD	Dragskóflur	13.2
BG	Grundarbómukranar á hjólum	15.2
BS	Vökvakranar með skotbómu	15.2
CB	Brúkranar	6.6
CH	Brúkranar með stjórnhúsi	7.6
DK	Körfukranar	7.6
DS	Steypudælukranar	7.6
EB	Gröfur á beltum	7
EH	Gröfur á hjólum	7
EK	Gröfur á hjólum, ekki fyrir umferð	7
FB	Beltaskóflur	7
FH	Hjólaskóflur	7
GB	Jarðýtur á beltum	7
GH	Jarðýtur á hjólum	6
HV	Vegheflar	7
IA	Dráttartæki	4
ID	Dráttarvél með tækjabúnaði	6
IF	Flutningatæki	5
JL	Lyftarar < 10 tonna lyftigeta	3.5
KG	Lyftarar > 10 tonna lyftigeta	6
MM	Malbikunarvélar	4
LD	Valtarar dregnir af dráttarvélum	5
LS	Valtarar, sjálfkeyrandi	5
RB	Borvagnar	5
RM	Jarðborar – minni gerð	5
RS	Jarðborar – stærri gerð	15.2
SM	Mölunar- og hörpunarsamstæður	6
VH	Körfur til hífingar á fólki	2.5
VK	Körfur til að lyfta fólki með lyftara	2.5
VL	Lyftiverkpallar	8.6
VP	Hengiverkpallar	8.6
NF	Fólkslyftur	7.6
NG	Fólks- og vörulyftur	7.6
NV	Vörulyftur	6.6
NM	Matarlyftur	4.6
OB	Togbrautir fyrir skíðafólk	9.7
OS	Stólalyftur fyrir skíðafólk	33.4
OT	Toglyfur fyrir skíðafólk	14.7
DV	Hleðslukranar – Litlir hafnarkranar	3.5
NB	Bílalýftur	7.6